



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD VISOKO  
GRADONAČELNIK**

Broj: 09/3-45-1-5502-3/25

Datum: 19.05.2025. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, otvorenog postupka javne nabavke za pružanje usluga izrade Izmjena i dopuna Regulacionog plana „Centar 3 – I“ Visoko pokrenutog Odlukom broj: 09/3-45-1-5502/25 od 28.04.2025. godine i objavljenog na Portalu javnih nabavki Obavještenjem o nabavci broj: 870-1-2-44-3-43/25 dana 28.04.2025. godine, na prijedlog komisije, gradonačelnik donosi:

**ODLUKU  
o izboru najpovoljnijeg ponuđača**

**I**

Komisija je konstatovala da je ponuda ponuđača RADIS d.o.o. Istočno Novo Sarajevo neprihvatljiva i nepravilna, zbog čega je odbačena.

Komisija je konstatovala da su ponude ponuđača IPSA INSTITUT d.o.o. Sarajevo i Institut za građevinarstvo „IG“ d.o.o. Banja Luka dostavljene u skladu sa uslovima iz tenderske dokumentacije.

U skladu sa navedenim i kriterijem za dodjelu ugovora, najpovoljnijim ponuđačem proglašava se:

**IPSA INSTITUT d.o.o. Sarajevo**  
(sa cijenom ponude u iznosu od 4.580,00 KM bez PDV-a)

**II**

Po sticanju uslova za zaključenje ugovora, Ugovorni organ će pozvati izabranog ponuđača radi zaključenja ugovora u skladu sa zahtjevima – uslovima Ugovornog organa navedenim u otvorenom postupku.

**III**

Odluka stupa na snagu danom donošenja.

**Obrazloženje**

Grad Visoko je pokrenuo otvoreni postupak javne nabavke za pružanje usluga izrade Izmjena i dopuna Regulacionog plana „Centar 3 – I“ Visoko Odlukom o pokretanju postupka broj: 09/3-45-1-5502/25 od 28.04.2025. godine. Postupak je objavljen na portalu javnih nabavki Obavještenjem o nabavci broj: 870-1-2-44-3-43/25 dana 28.04.2025. godine i u Službenom glasniku BiH broj: 27 od 09.05.2025. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”,

broj: 103/14 i 49/23) Komisija je imenovana Rješenjem o imenovanju komisije broj: 09/3-45-1-5502-1/25 od 28.04.2025. godine, u sastavu:

1. Adna Smajić, predsjedavajuća
2. Ajla Ušto, član
3. Aida Omanović, član
4. Andrea Mitrović Karačić, sekretar

1. Zilha Sirčo, zamjenik predsjedavajuće
2. Emina Burić, zamjenik člana
3. Nermina Riđić, zamjenik člana
4. Abas Avdagić, zamjenik sekretara

U roku za dostavljanje ponuda 23.05.2025. godine do 12:00 sati dostavljene su ponude ponuđača:

1. IPSA INSTITUT d.o.o. Sarajevo
2. Institut za građevinarstvo „IG“ d.o.o. Banja Luka
3. RADIS d.o.o. Istočno Novo Sarajevo

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 23.05.2025. godine u 12:15 sati Komisija je pristupila otvaranju blagovremeno pristiglih ponuda. Otvaranju ponuda nisu prisustvovali predstavnici ponuđača.

Predsjedavajuća Komisije je pročitala cijene ponuda i to:

| Red. br | Ponuđač                                           | Ukupna cijena KM bez PDV-a | Popust |
|---------|---------------------------------------------------|----------------------------|--------|
| 1.      | IPSA INSTITUT d.o.o. Sarajevo                     | 4.580,00                   | /      |
| 2.      | Institut za građevinarstvo „IG“ d.o.o. Banja Luka | 4.999,00                   | /      |
| 3.      | RADIS d.o.o. Istočno Novo Sarajevo                | 2.100,00                   | /      |

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).

Zbog korištenja godišnjeg odmora člana komisije Aide Omanović, evaluaciji ponuda je pristupila Nermina Riđić kao zamjenik člana.

Komisija je prilikom ocjene ponuda konstatovala sljedeće:

Ponuda ponuđača **IPSA INSTITUT d.o.o. Sarajevo** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač je u okviru ponude dostavio dokumentaciju iz člana 45. Zakona o javnim nabavkama i dokaz koji je tražen tačkom 12.3. (uslov za zaključenje ugovora), koji su u skladu sa tenderskom dokumentacijom.

Ponuda ponuđača **Institut za građevinarstvo „IG“ d.o.o. Banja Luka** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama, a dostavio je dokaz koji je tražen tačkom 12.3. (uslov za zaključenje ugovora) koji je u skladu sa tenderskom dokumentacijom.

Ponuda ponuđača **RADIS d.o.o. Istočno Novo Sarajevo** je neprihvatljiva i nepravilna.

Ponuđač nije uredno dostavio Aktuelni izvod iz sudskog registra. Tačkom 11. tenderske dokumentacije traženo je dostavljanje navedenog dokaza u originalu ili ovjerenoj kopiji, dok je u ponudi dostavljena kopija Aktuelnog izvoda iz sudskog registra koja nije uredno ovjerena. Naime, ovjera je izvršena pečatom kojim se ovjerava potpis lica, a ne pečatom kojim se potvrđuje da je kopija dokumenta identična njegovom originalu i koji obavezno sadrži broj listova od kojih se dokument sastoji.

Dakle, ovjera navedenog dokumenta nije izvršena u skladu sa članom 10. Zakona o ovjeravanju potpisa, rukopisa i prepisa ("Službeni list SR Bosne i Hercegovine" broj: 37/1971, 39/75 i 42/89) kojim je propisano sljedeće: *"U potvrdi o ovjeri mora se izričito navesti da li je to prepis izvorne isprave, ili prepis ovjerenoga, ili prostoga prepisa izvorne isprave. Isto tako mora se u potvrdi o ovjeri navesti da li je izvorna isprava pisana rukopisom ili mašinom ili kojim drugim mehaničkim ili hemijskim sredstvom, olovkom ili perom, kao i broj listova izvorne isprave i gdje se, prema znanju službenog lica koje vrši ovjeru ili prema tvrđenju stranke, nalazi izvorna isprava"*.

U skladu sa navedenim, odbacuje se ponuda ponuđača RADIS d.o.o. Istočno Novo Sarajevo.

Analitički prikaz traženih i dostavljenih dokumenata u ponudama:

|     | PONUĐAČ                                                 | IPSA INSTITUT<br>d.o.o. Sarajevo | Institut za<br>građevinarstvo<br>„IG“ d.o.o. Banja<br>Luka | RADIS d.o.o. Istočno<br>Novo Sarajevo |
|-----|---------------------------------------------------------|----------------------------------|------------------------------------------------------------|---------------------------------------|
| 1.  | Obrazac za ponudu                                       | DA                               | DA                                                         | DA                                    |
| 2.  | Obrazac za cijenu<br>ponude                             | DA                               | DA                                                         | DA                                    |
| 3.  | Projektni zadatak                                       | DA                               | DA                                                         | DA                                    |
| 4.  | Obrazac za<br>povjerljive<br>informacije                | DA                               | DA                                                         | DA                                    |
| 5.  | Izjava iz člana 45.<br>ZJN                              | DA                               | DA                                                         | DA                                    |
| 6.  | Izjava iz člana 50.<br>ZJN                              | DA                               | DA                                                         | DA                                    |
| 7.  | Izjava iz člana 52.<br>ZJN                              | DA                               | DA                                                         | DA                                    |
| 8.  | Nacrt ugovora                                           | DA                               | DA                                                         | DA                                    |
| 9.  | Dokaz o<br>registraciji                                 | DA                               | DA                                                         | DA                                    |
| 10. | Spisak izvršenih<br>ugovora                             | DA                               | DA                                                         | DA                                    |
| 11. | Potvrda/e o uredno<br>izvršenom ugovoru                 | DA                               | DA                                                         | DA                                    |
| 12. | Diploma i<br>uvjerenje za<br>inženjera                  | DA                               | DA                                                         | DA                                    |
| 13. | Uvjerenje/Potvrda<br>o osiguranju<br>Poreska uprava ili | DA                               | DA                                                         | DA                                    |

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



|     |                              |    |    |    |
|-----|------------------------------|----|----|----|
|     | PIO/MIO                      |    |    |    |
| 14. | Uslov za zaključenje ugovora | DA | DA | NE |

U skladu sa navedenim, sačinjena je rang lista ocijenjenih ponuda:

1. IPSA INSTITUT d.o.o. Sarajevo – cijena ponude 4.580,00 KM bez PDV-a;
2. Institut za građevinarstvo „IG“ d.o.o. Banja Luka – cijena ponude 4.999,00 KM bez PDV-a.

Komisija je predložila donošenje odluke o izboru najpovoljnijeg ponuđača: IPSA INSTITUT d.o.o. Sarajevo sa cijenom ponude od 4.580,00 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioaca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),

Depozitni račun broj: 5517902220404858 (UniCredit Banka a.d. Banja Luka),

Depozitni račun broj: 5556000060067744 (Nova Banka a.d. Banja Luka) i

Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka );
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

**Dostavljeno:**

1. IPSA INSTITUT d.o.o. Sarajevo,
2. Institut za građevinarstvo „IG“ d.o.o. Banja Luka,
3. RADIS d.o.o. Istočno Novo Sarajevo,
4. Evidencija,
5. a/a.-

GRADONAČELNIK

mr.sc. Mirza Ćanić dipl.ing.

